

**Meeqqat atuarfiini atuartunut angerlarsimaffiit atuartunullu inissiat pitsaassusaasa minnerpaaffilerneqarnissaat siunertaralugu Naalakkersuisut suliniuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Jane Petersen, Inuit Ataqatigiit)

**Akissuteqaat**

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

**Aappassaaneerinnineq**

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap sukumiisumik sulineranut inatsisartuni oqaluuserisassap 35-p suliarineqarneranut atatilugu pisumut Naalakkersuisut sinnerlugit qujassuteqassaanga.

Nuannaarutigalugu paasivara ataatsimiititaliami isumaqatigiilluni siunnersuummi siunertaasut isumaqatigineqartut, taamaattorli ataatsimiititaliaq aamma kommunitut namminersorlutillu oqartussanut aningaasaqarnikkut kingunerisassat pillugit tamakkiisumik paasissutissinneqarnermik tunngaveqarluni aalajangeerusuttoq. Tamatumunnga peqatigitillugu siunnersuutip atuartut angerlarsimaffiisa illutaannaannut tunnganani aammali atuartut angerlarsimaffiini perorsaanikkut siunertat ilanngunneqarnissaat Ataatsimiititaliap kissaatigaa.

Atuartut angerlarsimaffiinik pisatsersuisarnermut ilitsersuutaasup naliliiffigeqqinneqarnissaa kiisalu maanna siunissamilu atuartut angerlarsimaffiisa atuartut angerlarsimaffii pillugit inatsisunik allannguinermi ilaatinneqarnissaat Ataatsimiititaliap inassutigaa.

Siunnersuutip maannatut iluseqarluni akuerineqarnissaa pinnagu siunnersuummut inaarutaa-sumik isummernissap kinguartinneqarnissaa ataatsimiititaliamit iluaqutissartaqarnerussangatinneqarpoq.

Taamaattumik ataatsimiititaliaq ima allannguutissatut siunnersuuteqarpoq:

**”Naalakkersuisut kingusinnerpaamik 2011-mi ukiakkut ataatsimiinnissamut Nunatsinni meeqqat atuarfiini atuartunut angerlarsimaffiit atuartunullu inissiat pillugit nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaammi atuartunut inissiat pitsaassusiisa pituttuiffiusumik minnerpaaffilerneqarnerisigut Nunatta Karsianut kommunitunullu aningaasaqarnikkut kingunerisassat erseqqissarneqassapput tamatumalu saniatigut atuartunut inissiani perorsaanikkut siunertat paasissutissiissutigineqassallutik”.**

Naalakkersuisut atuartunut inissiat pillugit nassuiaasiornertaanut 2011-mi upernaakkut piffissalersuinermik iliuusissatullu pilersaarummik Ataatsimiititaliamut saqqummiussinialersaarput kiisalu nassuiaasiornermut piffissalersuinerup iliuusissatullu pilersaarusiornepur inglerlanera pillugu Ataatsimiititaliamut qanimut ilisimatitsisarnialersaarlutik.

Nunatsinni meeqqat atuarfiini atuartunut angerlarsimaffiit pillugit nassuiaasiortoqarnissaa Naalakkersuisut isumaqatigaa.